

EKQM ANDITIENE-CHRIST

Psalm 107:1-43

QYQH QKPEP-NKPQ 47

Eke Mkparawa

IKQ IBUOT: “Yak owo ekom Jehovah ke ima esie” (Psalm 107:21).

Ndikpono Abasi Nte Owo Amade

Ke ini mme Asaña-Isań Ete nnyin ekedide edisim idut emi ndibop ufok nnọ idem mmọ ke obufa ison, mmọ ekeyom ebiet emi mmọ edikemedede ndikpono Abasi ke edinen-ido ye ke ata edisana uwem. Mmọ ikekereke ibaña mme obio emi mikoduhe, inyuń ikereke ibaña mme ufok unyam mme nkpo emi owo ekemedede ndida nwam idemesie emi mikoduhe. Mmọ ema enyime ndiyọ mme nkpo ye ufen, enyime ndida ekpri se mmọ ekenyenede ndu uwem, man enyene ifure ke spirit enyuń ekpono Abasi ke nnen-nnen usuń nte esit mmọ okonyimede.

Edi okposon nkpo onọ nnyin ke obio emi unen odude mfin ndikut ete ke idighe kpukpru owo enyene ifet eke nnyin inyenede ndika ufok-Abasi ekededi emi nnyin iynomde ndika ke ini ekededi. Nnyin iyetim inyene esit ekom ke kpukpru mme edidion Abasi edieke ikerede ibaña nkposon utom ye mmon eyet ndisana ikot Andikoń Nkan emi ekenyimede mkpa ekan ndikań mbuotidem mmọ ke Okposon Abasi. Mbuk eset etin onọ nnyin ete ke ema ewot nkpo nte owo 50,000,000 koro mmọ ekesonde eda ke akpanikọ emi odude ke Ikọ Abasi. Ekewot mmọ ke idiok usuń, ekon mmọ ke mme kros, ayak mmọ enọ mme idiok unam ewai mmọ mbai-mbai, ebop mmọ ke eto emenede etuak efop, ewai ukot ye ubok mmọ, kpukpru oro ekedi sia mmọ mikonyimeke ndiyak mbuotidem mmọ ke Christ nduok, emi ekedide idorenyin nsinsi uwem mmọ. Mmọ oro ema eka ekedu ye Jesus enyuń ebọ utip mmọ ubon-ubon, ke ini mmọ emi ekedomode ndibiat Ukpep-Nkpọ Christ mfep edibode ufen ye ndutuhọ ke nsinsi.

Nim Abasi Ke Akpanikọ

Mme Asaña-Isań oro ema enyene mbuotidem ke Abasi ete ke Enye eyekpeme nditọ Esie ke esen idut emi. Ufen ye unana ama okpon eti-eti ke akpa ini, okposon tuep odu. Mme owo emi ekebemde iso eduń do, ke osiode mmọ ndinyene udia nte ekemde efep, ema ekut ete ke mbon India emi mikamaha mmọ eyedifik mmọ, eyip nkpo mmọ, ndusuk ini efop mme ufok emi ekesonde eti-eti mmọ ndibop. Edi mme Asaña-Isań emi, okposuk edi ke ediwak ini ekekopde mmemidem ikoduokke mbuotidem mmọ ke Abasi. Ke ndaeyo ama ekedi, nkpo inwań mmọ ema ekori uwak-uwak, ndien ke ekemde ini ukpeńe mmọ ema edok mbuńwum mmọ ebon ebeńe ini okposon tuep. Se nte mmọ ekekome Abasi ke mfonido Esie! Mmọ ikfreke Abasi ke ini mmọ ema ekebop ufok mmọ enyuń edok mbuńwum inwań mmọ ebon ebeńe ini utọ efen eke edidide. Mmọ ema esio sańa-sańa usen ekom enim enọ Andinyańa mmọ, emi akadade mmọ ebe ke nkposon idomo okonyuń onode se inanade mmọ.

Mme Esit Ekom

Ke akpa Usen Ekom oro, mme owo ema eto ke kpukpru mme ebiet iduń mmọ eka ke ekpri Ufok Abasi emi ekedade eto ebop. Mmọ ekedi ye ifiop esit ndikom Abasi, ke mme edidion emi Enye okonode mmọ ufok emi edikponode enyin Esie, Ufok-Abasi emi baba ukara kiet midibionke. Mmọ ema efik ete ke mkposon ini ke ededi ke iso, edi nte idighe Abasi akama mmọ ke anyan ini emi onyuń onọ mmọ erikan ndien nte Enye idikaha iso ida mmọ usuń isim qyqh erikan? O, idara emi mmọ ekenyenede ke usen oro, koro mmọ ema ebqh mfina ke esit ye ekikere mmọ! Ke nńwańa ebiet ke akai-ikot oro mme owo ema esop idem enyuń ekwọ ikwọ itoro enọ Qbon idok, emi mikfreke ikot Esie.

Ikwọ Moses

Ana edi mmọ ema eti ebańa nditọ Abasi efen emi ekedade mme enwonọ Abasi enyene uko-uko ndien enyuń eda mmọ ekesim “ison enwonọ.” Ekeme ndidi mmọ ema ekot ikwọ Moses, emi Nditọ Israel ekekwođe ke ini mmọ ekeworode ke ufin ke ison Egypt: “Nyekwọ nnọ JEHOVAH, koro enye okonde; enye ekemen horse ye andidoro-horse, oduok ke inyań. JEHOVAH edi odudu mi ye ikwọ, omonyuń edi erinyańa mi: Enye edi Abasi mi, ndien nyekpono enye; Abasi ete mi, ndien nyetoro enye. . . Ima fo esin fi ada ikot emi afo akafakde, qworq; ada odudu fo eteme mmọ usuń edisana ebiet fo” (Exodus 15:1-19). Mme Asaña-Isań emi ema ekeme ndidqh Amen nnọ ikwọ oro, koro ke akpanikọ mbom Abasi ama ada mmọ osim do, kpa nte Enye akadade Nditọ Israel usuń.

Efiak Ebop Mme Ibibene Jerusalem

Nehemiah nko ama edi ada-usuń onọ otu ikot Abasi ke ini enye akadade mmọ qworq ke obio ntań-mfep Babylon aka ndifiak mbop Jerusalem. Usen kiet, nte enye okosuk anamde mme utom esie nte eyen ufok ke okure

edidem okpono-ndem, enye ama okop ikot emi Abasi okoyomde enye afiak ọdịọ́n Edisana Obio emi ama akana ke ñwure ke ediwak isua. Enye ama ada ekpři ibat owo adian idem ndien ke unyime edidem, adaha aka utom edifiak mbọp mme ibibene Jerusalem. Ke ọkpọsọ́n ubiọ́nọ́ ye utom ema ekebe, ema ekure utom oro, ndien mmọ́ ema ebobo ndiyak ufọk oro nnọ́ Abasi, “ke idara, ye ke ekọ́m, ye ke ikwọ́ ye ke cymbal, ye psaltery, ye harp.” “Ndien ke usen oro mmọ́ ewa ikpọ́ uwa, enyuń edat esit: koro Abasi akanamde mmọ́ edara akamba idara: iban nde, ye nditọwọ́n enyuń edara: ndien mmọ́ ekop mkpọ idara Jerusalem anyan ebiet” (Nehemiah 12:27, 43).

Ekọ́m David

Ke eyo David, ke ema ekemen Ekebe Ediomị eka Jerusalem ke adańaemi Nditọ́ Israel ema ekekan mme Philistine, akwa idara ama odu ke otu mmọ́. David ekedi andiwet ediwak Psalm, ndien enye ama ewet kiet abańa edinam emi; “Mbufo ekọ́m JEHOVAH; eseme ekot enyiń esie; emen se enye anamde etańa enọ́ kpukpru owo. Ekwọ́ enọ́ enye; ekwọ́ ikwọ́ enọ́ enye; ekere kpukpru mme utibe ńkpọ́ esie. . . . mbufo, ofuri ererimbot, ekwọ́ enọ́ Jehovah; ekwọ́rọ́ erinyańa esie kpukpru usen . . . koro Jehovah omokpon, onyuń ọ́fọ́n nte etorode enye eti eti” (1 Chronicles 16:8-36). Ọ́fọ́fọ́n ọ́nọ́ mmọ́ emi enọ́de Abasi ubọ́n ke ufak Esie, ye mmọ́ emi ekutde ete ke mme erikan mmọ́ oto ubọk Abasi.

Owo Emi Esit Enemde

Kpukpru mme owo emi ema esin ifik enam utom, eńwana mme ekọ́n enyuń ekan, eyak ńkpọ́ uwem emi atak mmọ́ man enam uduak Abasi; ndien mmọ́ ema enyene idaresit ke ńwa-idem mmọ́. Nso ńkpọ́ inam mme owo edat esit? Idighe ndinyene kpukpru okuk emi mmọ́ eyomde, mme ndinyene mme ńkpọ́ emi okuk ekemedede ndidep. Ediwak mme ubuene ekere ete edieke mmimọ́ ikpenyenede okuk nte mbon inyene mmimọ́ ikpodu ke idaresit, edi Nwede Abasi ọ́dọ́họ́ ete ke itọ́n inyene edi oruń kpukpru oruk idiọk-ńkpọ́. Ebiet eke idiọk-ńkpọ́ odude idaresit iduhe. “Idem imam esin esit ayat owo: ndien utit idem idara edi nnanenyin” (Mme Nke 14:13). Solomon ama enyene ediwak inyene; enye ama ọ́dọ́họ́ ini kiet ete ke se ededi eke enyin imọ́ akamade imọ́ ima ida inọ́ idem imọ́. Enye ama ọ́bọ́p mme ikpọ́ ufọk, ọ́tọ́ ndiye ińwań, anam mme obube mmọ́n ndinọ́ enye inemesit, ọkọ́ ediwak sidibe (silver) ye eme (gold) ọ́nọ́ idemesie. Enye ama enyene ńkpọ́ akan se owo kiet ekededi ke Jerusalem akanam enyenede. Edi nte enye ama enyene idaresit? Emi edi se enye eketińde: “Ndien ńwọ́ńọ́re nse kpukpru ńkpọ́ mi emi ubọk mi enamde, . . . ndien sese, kpukpru edi ikpikpu ye idomo eke miwọ́rọ́ke usuń: baba udori inyuń iduhe ke idak utin” (Ecclesiastes 2:11). Kpukpru mme utom ubọk nnyin, kpukpru mme ńkpọ́ eke nnyin inyenede idikemeke ndinam nnyin idat esit.

Ndien anie edi owo emi esit adatde? “Ọ́fọ́fọ́n ọ́nọ́ mbon eke JEHOVAH edide Abasi mmọ́” (Psalm 144:15). “Ọ́fọ́fọ́n ọ́nọ́ owo eke osimede eti ibuoť” (Mme Nke 3:13). Oro ọ́wọ́rọ́ ifiọk eke Abasi: “Uteńe Jehovah edi eritọ́nọ́ ifiọk” (Psalm 11:10).

Ke ini owo odude ke idaresit, nte ededi enye eyetoro Abasi; enye ikemeke ndinyańa edi enyene nditoro Abasi; mme itoro oro eyetop ewọ́rọ́ ke esit esie ke idem ini emi enye odude ke mfuhọ́ mme ubiak. Owo ama obup Hadyn, akwa ewet ikwọ́ oro, ntak emi ikwọ́ emi enye ekewetde ọ́nọ́ ufọk-Abasi ekewetederede owo esit kpukpru ini. Enye ọ́kọ́bọ́rọ́ ete, “Nkemeke ndinam nte edide ńkan oro. Nwet ntiene nte ńkerede ke esit mi: ke ini ńkerede mbańa Abasi esit mi ọ́yọ́họ́ ye idara tutu mme idiọ́nọ́ ikwọ́ oro enek enyuń efrọ́ ke eto uwet ńwede mi: ndien sia Abasi ọ́nọ́de mi esit idara, eyefen enọ́ mi, koro nnamde ńkpọ́ nnọ́ Enye ye spirit idara”.

Idaresit oro emi Abasi esinde ke esit nnyin anam utom nnyin efere akan; owo idisọkpe ikop mmemidem ke utom esie edieke enye enyenede ikwọ́ ke esit esie. Nehemiah ọ́kọ́dọ́họ́ ete, “Koro idaresit JEHOVAH edide odudu mbufo” (Nehemiah 8:10). Idara ke esit eyewọ́rọ́ owut ke ọkpọ́-iso; ndien ke ini mmọ́ efen ekutde inua imam oro, mmọ́ eyetuak inua imam ńko. O, idara emi odude ke ndiyak idem ofuri-ofuri nnọ́ Abasi! “Koro mbufo eyeda idara ewọ́nọ́, owo eyenyuń eda mbufo usuń ke emem: ikpọ́ obot ye ńkpři eyebumere ekwọ́ ke iso mbufo, kpukpru eto akai eyenyuń ekwak ubọk” (Isaiah 55:12). (Ka kese ọ́yọ́họ́ Ibuot Ukpep-ńkpọ́ 31, ke ọ́yọ́họ́ Nwede Ita).

MME MBUME

- 1 Ntak emi mme Asańa-Isań emi ekedide America?
- 2 Ndi mmọ́ ikpọ́n ekebọ́ ufen ke ntak Abasi?
- 3 Nso ke Mme Asańa-Isań oro ekenam ke ini mmọ́ ema ekedọk mbuńwum ińwań mmọ́?
- 4 Ke ebete Moses, anie akada Nditọ́ Israel ọ́wọ́rọ́ ke Egypt?
- 5 Ke ini Nehemiah okokurede edifiak mbọp mme ibibene Jerusalem, mme anie ekebuana ke edinam ediyak ibibene oro nnọ́ Abasi?
- 6 Anie edi owo emi enyenede idaresit?